

十九

粵雅堂叢書

玉笥集

十九

易經堂藏書

玉筍集卷五

元 張憲 撰

古詩四

野亭

肅肅野亭在彼中野眷眷隱君寢處其下修竹映戶華
松覆瓦闌楯高明檐楹瀟灑豐草鮮茂雜花妖冶絃有
清瑟飲有文竿遠青層來平碧概瀉言命輕車言駕瘳
馬臨流暫坐釣絲時把詠歌雍容意思閑雅情越義軒
氣胸屈賈清風古今知爾亦寡冠蓋遑遑彼何爲者

王荅集卷五
題趙仲穆蘭竹

羃羃楚雲漠漠湘雨懷人東皋送別南浦秦虜不歸重
華莫覩二女凝佇三閭獨苦惡棘蕩蕩白石魯魯撫卷
潛然淒其千古

題袁子甯瞻雲圖

陟彼太行瞻望白雲哀哀父母疾呼不聞彼陶者瓦爰
覆我廬豈不興念歸讀父書王事多難靡遑止居束束
者竹肅肅者木有石可憩有泉可掬閒哉歸去毋亂心
曲白雲英英東南是征豈不欲往誰與同行道阻且修

莫知所經陸則可輿水則有舟嗟我昆季欲見無由匪
兇匪虎匪蛟匪虬白雲蔽空八荒同陰瞻望弗及搔首
沉吟展圖莊對聊以慰心

畫梅

溫溫春陽皎皎冰雪小橋竹外天然幽絕夷清惠和二
聖孔并報彼色媚望君德馨

方寸鐵爲印工盧奐賦

唐有處士曰賤臣全心一寸鐵正直以剛誓剗蟆腹還
明月光又有奸相曰李十郎腹懷利劍人莫敢當一正

一邪不翅臭芳爾奐後出方寸錚錚不藉鍛礪自成利
鋼斂鋒蓄銳戲我文場鐫斯刻籀用代筆耕惟多事秋
所在侯王載玉其符亦金其章頑石獻諂赤伏貢狂奐
不往刻立取富榮嗚呼奐鐵孔方奐心孔長持爾利器
往獻我皇刻泰階符俾天下昌無俾爾祖專美有唐

賦得孟軻隱几

文樞鱗鱗烏皮皴皴君子所憑夭夭申申宴安氣勝乃
有假寐彼大賢者胡甯有是鱗鱗文樞鷄鷄烏皮長者
見絕蓋亦弗思

諸葛武侯像

羽扇飄飄綸巾蕭蕭渭原星墜梁父寂寥

古詩

五言

呂梁洪彭越廟

黃河東南奔呂梁屹相向蕭蕭彭王廟淒然據其上空
山貌秋色衰草蔚長望荒煙薄殘陽柔櫓破寒浪彭王
古莊士志節素豪宕徒成百戰功不獲寸土葬哀哉虎
兕軀竟作桎中醬可憐黃金甲綵繪泥土像佇想忠壯
魂陰風幾悲悵憂來不忍去駐馬更悽愴

經東阿城

馬鳴西風長赤日在高樹輕車東南征疾驅恐遲莫俄
經東阿城蕪然峙中路空垣烏鵲起遺跡瓦礫聚荒衢
蕃草莽陰穴竄狐兔不見煮膠人舊物并如故尙憐齊
大夫投鼎有餘怖淒然耿弇迹寂寞曹植步我行亦須
與相看等朝露

汶陽道中

汶水東入海疾流無已時可憐齊與魯荒草秋離離日
澹野水黃風高木葉飛繫舟閑弔古不覺淚沾衣

任城道中

客行魯橋道路出毒山驛驅車上峻坂歎馬道傍石雨
來松樹暗風起荷葉白一笑嘆浮生胡爲倦行役

汎舟黃顙湖望梅山

汎舟黃顙湖望見梅仙山嵯峨結寶髻晶瑩浮銀灣長
風蕩青蘋雪浪相飛翻魚龍現怪誕水怒山自閑詎知
神靈意杳在虛無閒緬思學仙尉一去何時還幽姿不
可見高風邈難攀落日動簫鼓把酒酬潺湲

冬夜聞雷有感

陽氣渙不收梨花开九月無何元冬夜火靈飛列缺疾
雷放旬旬大雨久不輟頑雲聚復散淫風赤如血蟲豸
不入藏龍蛇競出穴寒威變融煥四序失故節胡爲數
歲中雷向盛冬發委靡不執柄遂爲羣陰竊及其不可
忍奮迅始一決乃於涸寒時礮礮未肯歇龍戰久不解
險難紛糾結旣乖長養意愈使威權褻天怒不終朝王
綱有時裂何能堯吾君調理繼稷契先事誅權奸以次
及羣孽假爾霹靂車爲吾左黃鉞普天新號令坐使萬
國悅煌煌世祖業中道復光烈

詠窮博士

五日張京兆猶能故殺人一年窮博士不救歸裝貧深
冬未衣絮坐席長凝塵愁吟蒼蠅叫怒作蝦蟆嗔冷撥
豆稽火倦臥黃茅茵饑來捕雀鼠夢裏騎麒麟不知貧
作崇猶道詩有神商歌滿天地聲響驚比隣歌罷自激
勵慷慨豪氣伸指摩雄膽畧棄捨貧賤身左挽祖士稚
右指周伯仁往殺諸賊奴救我饑餓民出門復歸來擲
劍一長齧天狼大如月七將空橫陳

贈吳仲舉

手擎白錦鷹日畋剡溪曲人語狡兔起犬行山雉伏春
草足繁露秋風多落木雖非封侯相不負食肉腹厭厭
窮經士閉戶饜虀粥

秋日山寨校兵呈同列

露下草木空四山秋色峻起持餓鴟弓習作長蛇陣旅
分驅虎徒翼若鷹隼奮文成牙旣禡血祭鼓亦衅日光
耀旗影霜威肅兵刃翕張更坐作勇怯迭退進徐如磨
蟻沿忽若奔馬迅向背月輪偃孤虛斗杓運渭原識諸
葛泝水見韓信雖非勍敵遇敢忘出門慎堂堂固莫遏

整整孰敢近哀哀白骨堆纍纍黃金印縱無東可平豈
患西難鎮誰爲人中雄往雪天下憤盡取羈縻域帖然
作州郡

秋日古城葉希聖見訪

夫君滄江來訪予清溪曲清溪窈而深佳氣散天旭塘
蒲澤新雨秋意冷可掬鳥鳴萬山靜猿下雙樹綠相看
語清晤餘響起空谷坐久神宇閑斜陽在高木

西溪出巡寄鍾君顯沈宏道

今日天氣佳整隊適近郭溪迂水聲緩峪逼山勢惡曲

折盤羊腸縈迴行棧閣前驅迭隱見後至猶繹絡虎鳴
彩旛動鳥起柘弓曠試問捫蝨談何如逐禽樂

於潛點砦經托和齊右丞戰地

路迴山麓交直壁萬仞立浮嵐滴空翠下浸澄泓溼長
巒拱天嶽壞道駛礮急眷彼岩險勢一夫自敵十要地
不力戰崩奔胡可戢哀哀左轄公馬革臥原隰孰知王
師重戴首奉賊級我來訪戰地一慟已莫及日入鬼燐
生陰風國殤泣

自臨安往富春過芝泥嶺示隨行李巡檢

平明升肩輿相與東西征浮嵐翳遠道宛在雲中行連
山互低昂曲折如送迎接天蔽喬木澗與風爭聲前登
芝泥嶺雨意漸覺晴曛曛日色薄蕭瑟衣裳輕畏途見
鹿角高砦屯鄉兵綵旗病目眩嚴鼓羈魂驚憑軾若夢
寐撫髀傷浮生顧謂李飛尉我行猶幾程

臨安道中先寄賽景初

朝入臨安山暮上由拳嶺周道無行蹤晴空斷飛影嚴
關固高柵疊嶂列危屏荒坳斜日淡虛市野煙冷息肩
坐茂樹瞑目發深省何庸馬蹄塵兵鋒迭馳騁

我夢騎赤龍

我夢騎赤龍謁帝白雲庭帝方奏大樂鈞天聲泠泠木
公起獻壽金母持銀瓶麒麟伏坐下鳳尾芙蓉青蟠桃
大如斗一啗三千齡太乙顧我笑冷風吹面醒

臨安遇革輦

革公東方來面有和悅色長裾曳麻袍散髻岸紗幘袖
書謁大臣唾手捨恩澤亟歸裝刀頭買馬來擊賊

送周尙文

手把五色筆人呼老畫師忽騎六尺馬便類幽并兒袖

中安漢書篋裏平淮碑丞相方進賢有志當及時酒盡
便可去少需猶未遲

壺隱

四山如仰壺環護深洞府白雲齊鶴飛竹杖作龍語劍
術走猿公簫聲下鸞女曉來溪水深零亂桃花雨

春日寫興

懔懔戀里閭悠悠感時光朱顏既易去樂事何能常不
有一日功安流百世芳起行亂石閒坐近流水傍舉觥
意頗適浩歌情復傷念彼保衡心忍將天下忘